

րիարքին, և ևս ետուն հրաման կանգնել զայն շինուած հոյակապ յոր ձեռնարկեալն էր: Եւ ապա վերստին սկիզբն արարին գործոյն, յոր աշխատ եղէն գործաւորք իւր ամս երիս, և 'ի կատար հանեալ աւարտեցին զբովանդակ շինուածն, ընդարձակ և գմբեթարդ դահլճիւ սենեկօք զարեալ կարեւոր պիտոյիւք, (1853. Ապրիլ վերջ):

Յետ որոյ ձեռն արկ շինել զիջեւանս 'ի պէտս ուխտաւորաց, որ կոչի Զփլ Ռաշ, զհիմնարկեալն 'ի Կիրակոս Պատրիարքէ, զորոյ հրամանն առեալ էին յանուն Հիւանդանոցի. զայն եւս կատարեաց կրկնայարկ մաքուր և կոփածոյ քարամբք, բաժանեալ 'ի սենեակս 1855:

Պօղոս Արք Եպիսկոպոս Գրիգորեան Ագրիանուպօլսեցի, զորմէ 'ի բազում տեղիս բանք եղէն յընթացս պատմութեան, աշակերտ Պետրոս Պատրիարքի Եւդոկիացոյ, յետ վախճանի նորին յաղագս պարտուց Ս. Աթոռոյն գնացին չորս վարդապետք՝ յորոց մին էր և Պօղոս 'ի Կոստանդինուպօլիս և յայլ քաղաքս գտանել օգնութիւն: Սա դառնայ յԱթոռն (1805), վերստին երթայ 'ի Բիւզանդիոն, և անտի Նուիրակ 'ի վիճակն Զմիւռնիոյ. հասեալ 'ի Միսսիհ, հրաւիրի լինել Փոխանորդ 'ի Կոստանդինուպօլիս, 'ի տեղի Յակոբ Եպիսկոպոսի վախճանելոյ, (1809):

Հնորի Պատրիարք անդ (1815. Դեկտեմբերի). հրաժարի յիշխանութենէ (1823. Հոկտեմբերի):

Կարգի Մայրադոյն կառավարիչ Երուսաղէմի Աթոռոյն (1828. Նոյեմբերի). աղատէ 'ի պարտուց զՍ. Աթոռն՝ հանդիսացեալ իմաստուն տնտես, խոհեմ և հանճարեղ կառավարիչ. 'ի ժամանակս Պատրիարքութեան Զաքարիայի կացին աչքն 'ի տեսանելոյ, բայց դարձեալ ամենայն ինչ ակնարկութեամբ նորին տնօրինէր, և յետ վախճանի Զաքարիայի իսպառ նուազեալ 'ի զօրութենէ և ընկճեալ 'ի բաղամալայ ծերութենէ հասակին, անկաւ 'ի մահիւս խօթ, ուր համբերութեամբ եկաց ամս իբրեւ 7, պարապեալ յաղօթս և 'ի փառաբանութիւնս Աստուծոյ ընդ Պաշտօնէից և Սարկաւադաց իւրոց, չհեղդացեալ և ոչ միւռմ 'ի սահմանեալ աղօթից, մինչեւ 'ի կէտ կոչման իւրոյ. ջերմեռանդ 'ի կրօնս, պարկեշտ 'ի վարս, ժիր և վառ աշխոյժ նորին յուսմունս և 'ի գիտութիւնս, վարժ և հմուտ 'ի քաղաքական և 'ի տնտեսական